

宋朝大詔令集

宋朝大詔令集卷第一百三十六

政事八十九

四商九

西夏四

賜夏國主進誓表答詔

詔夏國主省所上表臣依准制命將綏德城下界至打量二十里明立封堠交付了當訖者臣幼叨世緒遵奉皇猷宿兵累年空阻瞻雲之望通盟此日邇陳獻上之勤上素高明更無渝變虔遵聖訓分定戎疆踐土約解昭著先朝之誓推忠納款堅持歸信之誠載圖方岳之勤庶答乾坤之施事具悉世膺爵寵為我翰藩來陳封章率服詔令載惟忠順良所歎嘉弭兵息民子育萬國終始惟一時迺朕心爾不有渝朕無過舉已戒邊吏各守封疆所宜顯諭國人次遣先誓其

條約束事節一依慶麻五年正月二十二日誓詔施行自今以後恩
禮歲賜並如舊例故茲詔示想宜如悉

立夏國主冊文

維某年月日皇帝若曰古先哲王奄有臣夏選賢維世以立諸侯外
則撫鎮畛封內則屏此中國肆朕慕服邇追令猷敷考貢圖誕頒顯
冊咨爾某性資沉勇世載忠良風懷來極之誠深明事大之節衣綏
種落式遏寇虜奉承前修嗣守舊約是用策熟而懋賞備物以嚴帥
績茂旃旌旌茅分土消辰令吉長于西陲今差某官持節冊命爾為
夏國主於戲世為宋藩惟忠實可以保位疆以戎索非信順無以文
民先懷于祚罔墜厥緒欽哉欽哉廸予一人之休命可不慎歟

賜夏國詔

朕以爾膺受封爵世為藩臣職貢之修歲時無怠朝廷待遇恩禮加

降頃以權強敢行廢辱達於予聽良用震驚嘗令邊州就往移問居而不報繼犯疆陲王師徂往蓋討有罪義存極患非獲已焉今者遣使造廷辭禮恭順仍聞國政志復故常朕心釋然深所嘉納已戒邊吏無輒出兵爾其遵守先盟永勦臣節永綏寵祿庸副眷懷

賜夏國主秉常詔

元豐六年十月癸酉

惟爾祖考介居邊陲蒙恩朝廷享有爵土拊循備厚歷年滋多弊者王而出征義存拯患謂宜委戈而聽命敵愾以獻功豈虞庶思弗諭朕志疾害吏士捍拒甲兵間罪正名方圖再舉造使辭之效順聞國政之復常旋約憲誠許修貢職遷拔來奏論請故疆朕惟蕃熙不恭削地示過資於故實匪朕所私爾其審思厥終務體至意

弔慰夏國主嗣子乾順詔

元祐元年十月庚子

故夏國主嗣子乾順惟爾先人世修職貢訃音忽至愍悼良深想與

諸臣同增悲慕惟忠可以保國惟孝可以得民各祇乃心以服王命

太皇太后賜夏國主嗣子乾順詔

元祐七年十一月二十六日

給夏國主嗣子乾順念爾守邦貌然在疚日月逾邁祖與有時緬懷
孝愛之深想極攀號之戚往仍襄事式昭異恩今差供備庫使張琳
充弔慰使兼賜安葬故夏國主物色具如別錄至可領也故茲詔示
想宜知悉冬寒汝比平安好遣書指不多及

太皇太后賜故夏國主嗣子乾順詔

同上

詔故夏國主嗣子乾順惟我列聖眷爾有邦非徒極其寵榮亦與同
其憂患念爾哀疚惻然顧懷臨遣行人往諭至意且致奠贈之禮以
為存沒之光今差朝奉大夫尚書金部郎中上輕車都尉賜紫金魚
袋移衍充祭莫使兼賜故夏國主贈奠物色具如別錄至可領也故
茲詔示想宜知悉冬寒汝比平安好遣書指不多及

賜乾順進奉賀正旦馬駝回賜詔

元祐元年十二月二十四日

詔故夏國主嗣子乾順省所差人進奉賀正馬駝共一百頭足事具悉遠奉王正來歸時事惟此充庭之實率皆任土之宜乃眷忠勤良深嘉歎今回賜卿銀絹茶等具如別錄至可領也其差來人所賜物色亦具賜目故前詔示想宜知悉春寒比平安好遣書指不勞及

太皇太后同前詔

詔故夏國主嗣子乾順省所差人進奉賀正馬駝共一百頭足事具悉述職春朝歸誠寧旅修此致率之禮致其乘服之良再聞來章式嘉忠節今回賜卿銀絹茶等具如別錄至可領也其差來人所賜物色亦具賜目故前詔示想宜知悉春寒比平安好遣書指不勞及

賜乾順進謝恩馬駝回詔

詔故夏國主嗣子乾順省所上表進謝恩御馬一十疋長道馬二百疋駝一百頭事具悉臨弔之重以寵世臣恩報之深復馳來介戴閱充庭之寶備形述職之心乃眷忠勤不忘嘉敷其差來人所賜物色亦具賜目故荪詔示想宜知悉

同上

詔云云同遣行人往時襄事繼陳方物來奉謝儀惟忠可以附民惟禮可以定國勉終誠節以副眷懷云云同上

冊夏國主乾順文

元祐
正月
廿五

皇帝若曰於盛堯建萬邦黎民時雍周立五等重譚來賀此帝王之所同而國家之成法也皆爾乾順惟我烈聖眷乃西陲錫壤建邦衛于王室保姓受氏同於宗盟爵命褒嘉恩體甚渥今爾承其胄繕給恭藩屏而能事上欽肅飭躬靖處申遣使人來陳方物達于朕聽寧

惟汝嘉是用稽酌典故表顯寵名錫爾以茅土之封加爾以服乘之
數誥頒丕冊以經一方今遣朝奉大夫起居郎直集賢院上輕車都
尉賜紫金魚袋劉奉世崇儀副使上騎都尉安喜縣開國男食邑三百
戶豈象光持節冊命爾為夏國主永為宋藩輔大篤於好德乃克
顯先忠於戴君永膺福祚往祇昭命無忝予一人之猷訓

賜夏國詔

元祐四年六月戊申

省所奏事具悉所有蘭州塞門兩處地上前詔批述已明毋復更有
論請其永樂間沒人口緣自牒報後來經隔歲久慮其間寃有死亡
或後來却有續尋到人數今已降指揮下廊延路經略司候持來送
還到日若與元報人數不同亦令據令割計口支聽費綃仍將葭蘆
米脂浮圖安疆四寨約一日給賜所有應合立界至去處並依已降
朝旨及自來體例計會廊延路經略司閱牒送路帥臣各委官隨宜

相度認定守把不得更相侵越

賜夏國主詔

元祐四年六月丁巳

省所奏賊差人赴延州計會將永樂等人口及所還四處城寨交換
塞門蘭州而處地土實在朝廷酌中裁決事具悉爾嗣守世封處修
貢職頃屬罷兵之後繼陳復地之言累降詔旨備諭朕志豈謂歷時
之久尚稽開命之行忽覽奏封深亮誠款願改圖之議猶有披陳然
事大之恭實聽裁決再惟忠順殊用歎嘉雖易地之求當一遵於前
詔而酌中之請宜別示於優恩除漢蕃地土指諭已明難復撰另外
所有歲賜援前降詔命令候地界了日依舊今推特恩已勅有司更
不候地界了當便仰檢會依例施行滿其體朝廷恩信之隆謹封疆
慎守之戒永思安靖用保悠長

賜夏國主詔

元祐五年六月丁酉年

爾避領樊繼格循世守伴來稱幣送閱奏書永言疆場之安未即講
封之盡兩界絕直聲忠順而可嘉千里蕪荒憑誠忱而有請力祈矜
許亟還底寧惟析壤之求初無故事念安邊之議亦既累年頗省恭
勤特行開納然綏德城本無存留草地詔自今既欲於漢界留出草
地即於蕃界亦當依數對留應見令合立界至處並須明立封堠內
外漢蕃各對留草地十里不令耕種仍各於草地以裏自擇安便定
修建堡鋪如熟地內不可修建即於草地內修立各不得逼近界堠
其餘疆畫未盡事已令押伴官委曲開諭進奉使副訖又已勒歸延
路經畧司夏國如欲議事許差人赴延州計議春方陞悅義之心既
輸悃愞而朝廷諒遠之意已示優容宜深體於恩懷亟保和於封略

賜夏國詔元祐八年正月庚申

省所上表遣使詣闈悔過上章及獻納蘭州一境地土綏州至合儀

塞亦取直畫定却有塞門乞還賜夏國等事具悉朕統御萬邦示
大信眷爾嗣蕃之始亟馳請命之誠爰給土疆復頒歲幣冀謂受賜
而往輒興犯順之師中外交章神民共憤朕以爾在位未久勢匪自
由姑戒伐罪之大兵抑用禦邊之中策仍軟驅吏許爾自新今則遣
使來庭託辭悔過何乃謝章之初達遞形畫境之煩言況西藩故疆
中國舊地已載前詔不係可還其分界雖曾商量在用兵亦合隔絕
然則塞門之請殊非所宜定而以東已有前論除河東鄜延路新邊
界至許從前約令逐路經畧司依前亦已令蘭岷經畧司依先降朝
旨委官候夏國差到官詳先降指揮同其商量分畫緣夏國自元祐
通貢受賜後來累次犯邊仍候諸路地界了日可依前別進誓表然
後常貢歲賜並依舊例

賜夏國詔元符二年
九月丁未

勅夏國主乾順省所上表具悉爾國亂常厯年於此迨爾母民復憩
姦謀屢興甲兵擾我疆場天討有罪義何可容今凶黨滅除爾既親
事而能抗章引慝冀得自新朕嘉爾改圖姑從矜貸已指揮諸路經
畧司令各據巡緝所至處明立界至并約東城寨兵將官如西人不
來侵犯即不得出兵逼界爾亦當嚴戒緣邊酋領毋得侵犯邊境候
施行訖遣使進納誓表當議許令收授

答夏國詔

元符二年十月
二月壬寅

爾以充黨造謀數十邊吏而能悔過請命祈絕光靈爾之種人亦吾
赤子措之安靖乃副朕心嘉爾自新徧從厥志爾無與約朕不貪言
所宜顯諭國人永遵信誓除疆界並依已降詔旨以諸路人馬巡緝
所至已立界堠之處為界黑遜川青唐已係納土歸順各有久來界
至今來並依漢界及本處部族有逃叛入夏國者即係漢人并其餘

應約束事件一依慶麻五年正月二十二日誓詔施行自今後恩禮
歲賜並如舊例

登極賜夏國主銀綢詔

元符三年

詔夏國主朕欽承駿命嗣守丕基眷西土之世臣實本朝之蕃衍宜
推慶賜昭示寵恩今差左藏庫副使李昭珙賜登極銀綢具如別錄
至可領也故茲詔示想宜知悉夏熱比平安好否書指不多及

賜夏國主進登位土物回詔

西夏國主省表具之賀登位并差人進奉御馬一疋長進馬二百
疋駝一百頭事具悉朕丕承七聖光宅萬邦眷西土之世臣勗本朝
之貢職黃朱布帛階祿在延浦見潤賦端處并各其差來人所賜物色
亦具賜目故茲詔示想宜知悉冬寒比平安好否書指不多及

賜夏國主并南平王李乾德麻日詔

詔夏國主朕始承天命奉授人時春言西陲李乾祐等即
六春言南取世稟正朔
迺前嗣歲誕布新書俾我遠民咸歸一統尚遵時令益懋政經今賜
元符四年麻日一卷至可領也故茲詔示想宜知悉冬寒比平安好
否書指不多及

宋朝大詔令集卷第二百三十六

宋朝大詔令集卷第二百三十七

政事九十

四箇十

高麗

王仙封高麗國王制

太平興國元年一月七日

國家外薄四海咸建五長端委弁冕所以對越天命折玉胙土所以
寵綏藩臣矧乃元菟之墟蓋有滄波之險屬賢王之即世有令嗣以
代興不忘請命之恭宜舉念功之典權知高麗國事王仙家侍籍畧
代濟忠純稟王正而靡遠奉國珍而相繼限於溟渤寡邇口口介然
一心彌堅於石席建茲累世不絕於柳航艱疚所鍾嗣襲無替宜推
殊寵俾撫舊邦川加王爵之封庶追先正之美可光祿大夫檢校太
保持節 芜州都督大順軍使封高麗國王食邑三千戶

高麗國王王仙檢校太傅加食邑制

太平興國三年
十二月庚辰

王者懋建皇極寵綏列藩矧茲元菟之墟介于滄海之外漢平朝鮮之地半在提封唐舉遼水之師亦疲征伐自帝國之肇起勵臣節以彌堅巢正朔於天朝輸職貢於王府冠蓋相望卒當大同不首違俾之恩曷彰棄遠之道大順軍使光祿大夫檢校太保持節元菟州都督上柱國高麗國王食邑二千戶王仙弓裘襲慶蒙譯炳靈卷有三韓追蘇累世善綱先志煦姻久乎一方資畏簡書鞬譯來於萬里勤懇脩至嘉獎不忘宜舉寵幸以顯忠烈可檢校太傅加食邑一千戶

王治拜官封高麗國王詔

太平興國七年
十二月戊寅

並建萬國著於方冊之訓垂厥百世存乎幣礪之盟矧乃辰韓故墟叢教攸暨屬英王之云沒有介弟以丕承半遵嗣襲之文式舉酬庸之命權知高麗國事王治世保海隅心存王室敦友弟以無爽絃堂

構而克恭守臣云亡所部寧謹遠修貢於王府未請命於天朝事大
之心固推忠而斯至柔遠之義在懋賞以為先宜啓真王之封式進
上公之秩併疏牛賦用示寵幸可光祿大夫檢校太保持節元菟州
諸軍事元菟州都督充大順軍使上柱國食邑二十石仍封高麗國
王

北伐遣使諭高麗詔

肅祖三年
二月癸卯

朕誕膺丕構奄宅萬方草木昆蟲罔不蒙澤華夏蠻貊罔不率俾憲
茲邊裔敢拒皇威倔強沙漠之中迷惑歲月之命幽薌之地本被皇
風向以晉漢多虞口口口口口口詩曰我疆我理東南其政今國家
熙臨所及書軌大同豈徒齊民陷於強敵今已董齊師旅誅滅欃氛
元戎啓行分道間出即期謀翦以度混同惟王久慕華風素懷明畧
輸此忠勤之節撫茲禮義之邦而接此口口困於蠻毒針世積閼其

在茲乎便可申戒師徒相為持角叶比隣國同力底平奮其一鼓之
雄威此喪亡之敵良時不再王其圖之應擄獲生口牛羊財物器械
並給本國將士用申賞勸進監察史韓國華齊詔以諭之

高麗國王王治加恩制

淳化元年

門下朕自祇膺景命順孝遵章荷元穹眷祐之仁膺青帝發生之令
是用凝冕旒於正殿陳羽衛於廣廷萬方執玉以來儀百辟稱觴而
就列慶茲涼德祇受鴻名宜章渙汗之恩遠耀辰韓之國具官王治
風雲間氣韶濩雅音繼先世之徽猷啓真王之土宇派分緜嶺蔚為
華顯之宗地接蓬邱寃是神仙之境爰自拱於北極為我東藩傾望
雲就日之誠勵事大勤王之操瞻九重之象闕常升表函越萬里之
鯨波歲陳方物職修事舉朕甚嘉之屬改元行慶之辰降出綺懋功
之典榮加奉邑寵賜功臣予於世熟皇懷殊渥爾宜愈堅愛戴善保

初終當同文同軌之朝端惟忠惟孝之道永隆多福豈不善歟

賜高麗璽書

淳化五年
七月壬午

制詔高麗國王所上書言鄰國侵寇事王雄長藩國世父王封保紀
咸之山河千戈載戢奉大朝之正朔忠義愈明姦詐邊人敢犯都境
假皇靈而獲塞越滄海以馳誠雖山戎輒議於侵發而天道固宜於
助順首奏之深幹念良深

賜權知高麗國王事王微起居回書

勅權知高麗國王事王微人使全良鑑等至省所上表起居事具悉
卿始服東藩輸忠棄世衣冠成俗火被於華風玉帛致誠爰修於貢
職問安甚至祝慶惟虔永念周勤寔深嘉歎故茲示諭想宜知悉春
桂卿比平安好遣書指不多及

賜近奉回書

勅云所進奉全器五事共重一百六十五兩合二副一副盛紅屬
藥袋二枚紅羅銷金畫複裏一副盛紅屬繫腰二副紅羅銷金畫複
裏共用紅紋羅祫複封全紅紋羅祫外複二條盤綻二副紅紋羅祫
複封全共用紅紋羅祫外複二條注子一副紅紋羅祫複封全紅紋羅
祫外複一條紅屬倚背一十隻紅紋羅祫複封全紅屬祫一隻紅紋
羅祫複封全共用銀錢裝烏漆箱二副盛銀鎖鑰封全紅紋羅祫外
複二條銀裝長刀二十隻銀錢鑰裝烏漆鞘條全紅羅纈袋十箇
封金絳羅纈袋十箇封全共用黃羅祫外複二條生中布二十尺
平布二千疋人參一千斤松子二千二百斤香油一百二十斤鞍二
副金鍛銀橋瓦鍛其屬大小鞍鞬紅羅鞍祫等全紅羅繡祫鞍祫二
條細馬二匹車具悉卿夙駛國使來造王朝累牘摘詞喜古文之道
被方舟底貢願庭寔之旅陳載想恪恭良增懷尚特加寵錫姑示至

懷今回賜卿衣笏銀瓶等具如別錄至可領也故茲不諭想宜知悉
春暖卿比平安好遣書指不多及

賜進未太皇太后物回書

勅云云所進奉太皇太后皇太后金器各五事共重三百二十兩合
各二副二副盛椒榦繫腰各一條各紅羅鎖金畫複裏二副盛紅蘭
藥袋各二格各紅羅鎖金畫複裏共用紅紋羅祫複封全紅紋羅祫
外複各二條盤錢各二副各紅紋羅祫複封全紅黃屬倚背各一十
隻各紅紋羅祫複封全紅黃屬祫各二隻各紅紋羅祫複封全共用
銀鉢裝烏漆箱各三副盛銀鎖鑰封全紅紋羅祫外複各一條生中
布各二十疋生平布各二十疋人參各一千斤松子各二千二百斤
香油各三千三百斤鞋各二副金鍛銀橋瓦鍛具屬大小鞶鞬紅羅
繡祫裝複各三條細馬各二疋事具悉卿以朕尊臨萬國順幸兩宮

越因信使之來特致慈闈之間詞重複物幣腆生維是忠憲不忘
獎屬爰申寵賚宜體眷私今回賜卿衣著銀器等具如別錄至可領
也故茲示諭想宜知悉春暄卿比平安好造吉指不多及

賜謝恩進本回書

勅欽知高麗國王事王微人使金良鑑等至旨所謝恩進奉御衣二
領黃羅綢全畫大袖衣一領紅羅綉祫複裏紅羅銷金畫窄袖衣二
領紅羅祫複裏共用銀鞍裝馬漆箱盛銀鎖鑰封全紅紋羅祫外複
一條金腰帶二條共重七十兩龍鈔一條紅羅繡錦袋盛金鍍銀匣
二副盛共重二百兩紅羅綉祫複封全紅紋羅祫外複二條金器二
串共重二百兩餅二隻紅紋羅祫複封全紅紋羅祫外複二條銀器
一十二串共重一千兩金花麝羅二隻緋羅祫複封全紅紋羅祫外
複二條金花合一十副紅紋羅祫複封全紅紋羅祫外複二條色羅

一百匹色綾一百匹主羅一百疋生綾一百疋共用土藤箱四副盛
黃羅祫複封全黃羅祫外複四條帳頭紗四十枚共用烏藤函二副
盛黃羅祫複封全黃羅祫外復二條畫龍帳二對共用土藤箱盛黃
羅祫複封全黃羅祫外複一條大紙二十副墨四百鉢共用金漆櫃
二副盛黃羅祫複封全黃羅祫外複二條金鍛銀裝廚器仗二副紅
繡袋盛黃羅祫複外二條金鍛銀裝青皮器仗一副紅錦袋盛黃羅
祫外複一條金鍛銀裝緋皮器仗一副紅錦袋盛黃羅祫外複一條
細弓四張紅紋羅袋盛弓二箭二十四隻細箭八十隻鞍二副螺鈿
銀裝瓦鉸其紅紋羅鞍褥等全紅羅繡祫鞍複二條馬一匹事具悉
卿乃者遠馳仗指未獻方奇因其邇歸厥有賜予覽奉封之荐至貢
龍體以彌勤申本情辭有嘉誠節故蘇示諭想宜知悉奉曉卿比平安
好遠古指不夕及

賜國信并別賜書

勅權知高麗國王事王微日域一方天池重阻嘉乃撫封之守遐濟
建職之儀使介言歸寵私特異庸答傾輸之意別加錦手之恩今人
使金良鑑等回賜卿國信物色并別賜衣帶錦綺等具如別錄至可
領也故茲示諭想宜知悉奉暄卿比平安好遠吉指不多改音移想

賜謝回賜銀器衣著等書

勅權知高麗國王事王微人使金良鑑等至省所上衣昨入朝使陪
臣御事民官侍郎金悌回賜臣功德樓帶襍畫對衣銀器衣著鞍馬
等稱謝事具述向以使人之還別訥申諭實嘉之順妥有匪類忽拔
刻奏之文具述傾誠之感深惟憇至載用稱嗟故茲示諭想宜知悉

賜致齋祝聖回書

勅權知高麗國王事王微人使金良鑑等至省所申奏於大相國寺

興國寺塔聖寺泗州普照王寺杭州天竺寺潤州金山寺等謹辭祝
聖事具悉卿嚮順王庭歸崇係教因使航之入貢卽覽利以祝延
載惟忠毅之勁彌注眷懷之厚故茲示諭想宜知悉春暄卿此平安
好遠書指不多及

賜示諭書

勅様知高麗國王事王徵人使金良鑑等至省所上表乞借醫藥盡
望人事具悉卿守土三韓希風中夏載露連章之奉欲求深技之良
已勅計臣即加精擇特從勤請其體恩私所乞借醫藥士醫人已令
發運使羅桓遣差遞色人收拾行裝發遣前去次故茲示諭想宜知
悉春暄卿比平安好遠書指不多及

賜高麗國王詔

元豐三年三月三十日

勅王徵卿祇慎一德拊循三韓精勤勞於歲年羸疾痼於支木頃者

聞聞怛焉置懷求倉令之餘師按桐君之舊錄其善服食使躬有瘳
迨踰寒暑何恙未已遐念所苦日絳朕憂驚想海邦後音縣使卿其
專和致福虔意持神母忠眷顧用介康樂

又詔

勅王微朕惟卿飭躬秉禮朴循海外風動旁國誠通本朝積勤不懈
以觸霜露之疾客選遣侍醫加致藥物疾音移想忽獲太草何恙未
瘳意體良苦狀于夙夜怛然為懷卿其時節寒溫強力服食專和簡
福稱朕心焉

又詔

朕誠嘉卿藩術海服拊循其民秉禮率義無一不若而勞勤不懈之
故以逢霜露之疾是以選遣侍醫加致藥物吉德在躬何恙不已服
食興復比者何如疚于朕懷弗舍夙夜卿其專氣草神輔之涕淚日

卿康樂以經乎夏

又詒

卿延咱世德撫寧海邦精勤晦明感疾霸露書奏聞問夙夜輶懷間
者選遣太醫加賜百藥日侍良已用紓乎夏卿其時節寒溫究考方
技專心養氣虛意適補與臻和平遐則眷想

賜權高麗國事王徵起居回勅書

卿躬延禮義世載忠嘉每懷來極之誠夙有撫封之譽間安甚至述
職惟勤省閔情辭彌深眷疎

進奉回勅書

卿慈服藩封鵠幕最恭間特使指仍獻國琛宜有恩頒用昭殊數

進奉回勅書并別賜

朕懷四海之權崇長樂之養邇龍膚使來上貢儀載嘉承順之誠增

厚奉存之意

為己未年漂失貢物今來進奉乞更不回賜勅書
卿頃以海道艱危方舟罹患使辭恭順誠好已通濟及兆慶非殊獲
視之逆幣帛將意時乃匪頌之常載閱函封並陳方物願停蕃錫深
諒素懷厚往薄來先王之義勿為勤請其體春秋

申奏設齋祝聖壽勅書

御面內輸忠俾來底貢依真如之寶剝結最上之勝因惟是祝筵不
忘嘉尚

進奉樂器勅書

靡絲古製躋營新聲爰因使航來備樂府永惟勤至良用嘉稱

謝醫藥進奉勅書

比錄醫師具將藥物旋聞疾疚遠底痊除重遣使人來陳報禮忠嘉

備至慰憚兼深

就遣樂人奉樂勅書

卿遠詩伶工來陳備太諧和中律縱兆有密審聽諦觀良多嘉歎就加賜予式示褒優

如女直頭將馬與中國為市時假道前來勅書

昔在先朝女直入貢每有良馬市于邊州屬川塗之阻脩綿歲時而夏絕如聞行旅路淺樂郊惟卿輸誠中國是屏許以假道庶其能來可遣使人往諭朕意

賜貢本詔

汝久寄塞垣適臨夏仲維時全節底貢斯誠載念恪勤不忘嘉贍

高麗依大遼例隸蕃院御革手詔

政和五年二月二十三日

高麗自熙豐以來待遇優渥即與諸蕃事體甚異昨已陞作國信在

夏國之上改隸客省自今後特依大遼國例隸屬樞密院仍永為定
制餘依已降條令施行

宋朝大詔令集卷第二百三十七

宋朝大詔令集卷第二百三十八

政事九十一

四裔十一

交趾

蔡桓

李衡之

本日

李乳德

交趾黎桓加恩制淳化九年

門下朕誕膺駿命祇荷丕基揚四征九伐之威大恢上宇昭五禮六
樂之數用治人神庇歟歲以癸春乃順時而行慶眷惟巨鎮寢曰安
南撫綏方倚於勲勞爵命必如於賢傑具官黎某挺山河之秀為房
翰之臣明誠可動於風雲壯節不移於霜雪而自承于漢詔表求同
藩丹徵一涯望青霜而且遠未方萬里瞻紫極以歸尊傾翰而玉帛
駿介倚用而封疆是賴克推思愛慰波黔黎綽然良帥之風藹若通
侯之望朕以三元資始萬象惟新爰伸率土之恩起舉疇庸之典禁

加奉邑兼進崇階併示恩華益隆眷注於戲滿而不溢守富貴之宗
規萬且知方為將相之成式忠孝可以垂帶誦恩信可以享九疆勉
務令國服我休命可

李公蘊檢校太師加恩制

仁宗即位

門下國家運格熙平化教清靜燭皇帝於有截浸忠澤於無垠天厭
紀元載降於景貺端闡發號允洽於大和肆予冲人纂茲鴻緒爰屬
承祧之始用覃渙汗之恩乃眷賢侯早降祁翰克著撫封之績宜推
進律之文舉以徽章告于有位推誠順化保節守正翊載功臣靜海
軍節度觀察使置等使開府儀同三司檢校太尉同中書門下平章
事安南都護上柱國南平王食邑七千七百戶食實封二十九百戶
李公蘊器含冲密識本該明膺異稟於珠躔振雄名於海域詩書博
習究為武之善絳金石靡渝挺事君之大節而自登壇受任杖鉞訓

戒歸其外僚之勞寢以真王之爵修方匪辭述職惟寅載嘉忠順之誠特霈然綸之澤視維師而進秩錫美號以褒功仍益爰田荐加真賦斯為異數併示殊榮於戲漢渥之行式昭於無外崇高所保宜務於益恭祇服訓詞無忝休命可特授檢校太師同中書門下平章事安南都護充靜海軍節度觀察處置等使南平王加食邑一千戶食實封四百戶仍賜推誠順化崇仁保節守正翊戴功臣散官勲如故

李德政襲靜海節度制

天聖七年四月癸亥

國家內有百揆之官以經夫天事外有四封之守以扞于王家乃眷世藩之臣夙奠海隅之壤特領丕制俾繢舊圖安南靜海軍權知留後事李德政材維邁倫學以知變敏略自勝每聞夷落之懷丹誠不渝素督邦風之禁方給忠於先闇爰請命於本朝乃分上將之旄仍胙王封之土寵章並至英望攸歸於戲誓若泰山永保世修之職歸

于寧旅無忘時貢之恭往綏爾民善固吾固可特授特進檢校太尉充靜海軍節度觀察處置等使安南都護兼御史大夫上柱國仍封交趾郡王食邑三千戶食實封一千戶賜推誠順化功臣

李德政加恩制慶麻四年十一月
如也

門下朕前執玉帛祇見郊邱率萬官以承休職百神而有次薦誠以德蒙后皇之並臨推福為恩塞穹壤而偕抃眷言列位助歲上儀內則相禮之虔外則獻力之恪用當飲至均第有勞兵官李德政秉心懿恭執義光大昭啓王社安妥裔人載甲令以輸忠貢品而歸險一我尉侯保族東南屬欽榮之告成前景風以覃賞惟乃作扞時乎不忘宜益表功之華俾旌守方之童陪敕封邑衍寔幹祖於威天瑞神琪紛綸於中寓朝俞國需激錫於列藩尚膺典冊之榮愈圖彝器之績懋哉夙夜永綏爾邦可

李日尊靜海節度使安南都護交趾郡王制

至和二年十一月七日

天下有道惟懷至仁王者無私不異殊俗眷絡封於南服宜誕告於中朝安南道李日尊秉誼自躬無疆無外善述乃父之志克保有邦之民奉藩勤王奕葉載德是宜分命茅土鑿熟禺甿籠視於公台復祭疏於王爵於威敷德柔遠故惠綏於汝家總世東賢宜敷恩於吾國寧民撫衆茂對休嘉可特授進檢校太尉充靜海軍節度觀察處置等使安南都護兼御史大夫上柱國竹符交趾郡王食邑三千戶食實封二千戶賜推誠順化功臣

李日尊加恩封功臣制

明堂

門下朕嚴帝親者亦惟聖人之事觀禮樂者必於王者之庭朕述三代之遺文宗五精之美報至音洽泰法物貞陳升紫輝之光以升上昊之施零英參之潤以澤四海之遐想賞以勞頌朝有命具官某恭

懷英達忠義堅明世享南交之對心馳中夏之化肆精禋之丕舉懷順節之素勤錯事合宮有嘉方貢之舊策勲大寢疇先廟典之行茲用錫號雲臺表功獎器行以爰田之戶陪以真食之科荐美壯猷益昭異教於威教民以孝固已配文考之功均國之釐不敢後列藩之服惟惠愛可以懷衆惟誠忱可以感神往迪于休永繩爾土可

賜靜海軍節度使同中書門下平章事安南都護交趾郡王

李日尊明堂加恩告勅書

勅交趾郡王李日尊朕考古之遠乘秋之欽湊成宗饗昭輶上儀群心大和丕應屢下乃眷南顧厥勤內輸能纂世封眷啓王土肆予駿祀樂猶鴻休往膺寵章茲懋素守今善使臣齋卿加恩宣告勅牒付廣南轉運司令於界首就賜到可祇受兼賜卿國信物等具如別錄至可領也

李日尊進封南平王加食邑實封制

門下朕荷上穹之錫命承先帝之顧言在疚而哀靡勝臨祚而惧弗
類欽循故典大澤群方咨爾世藩之臣處于內貢之職匪申丕誥曷
表嘉庸具官集忠寔孝恭剛明肅果學洞詩書之蘊誠逾金石之堅
北宅南交盡化海陽之俗義尊帝室常傾日下之心屬慕極之和辰
謹頒朝之大政定訪太宮之策趣論鼎府之書位王爵之崇微並爰
田之多賦於戲銘在鐘羹已載世功之舊誓若河嶽更均邦祚之長
往廸順猷永有吉祿可

賜李日尊轉官告勅書

勅文趾郡王李日尊朕邇祇先訓登纘丕圖享國之安繁子成業頒
常之始漢以至恩春爾保疆勤夫述職晴熱外固救命大臣壯服世
忘永終邦寵余差使臣齋卿轉官勅牒官告付廣南轉運司令於界

首就賜到可祇受兼賜卿國信使物等具如別錄至可頤也

賜李日尊進象勅書

勅某省所上表差人進奉具志卿保有南裔列為外藩屬疆事之就寧馳奏亟而申款遠方貢荐篤世忠貞載涼顧簡廉忘嘆辭

賜李日尊進金帛犀象勅書

勅某朕紹膺丕命奄宅多方撫世守於南陬能守虔于內貢載覽剏封之至有嘉述職之勤宜被龍頒且昭厚遇

賜南平王李日尊示諭勅書

熙寧三年二月八日

勅南平王李日尊省所上表稱於今年二月內親領本道兵甲乘駕舟航直抵南蕃與占城國及占臘國蕃兵交戰其占城占臘國兵甲一時敗散臣帶領兵甲回旋本道師旅保全舟航寧謐事具志卿與占城等國交戰師出逾時今覩章奏備言勝捷益敦忠順良用歡嘉

朕子視兆民臣蓄萬國思惟消於中外共嬉遊於遐邇宜體至懷以
綏後福茲亦諭想宜知悉

賜靜海軍節度使同中書門下平章事安南都護南平王李
日尊麻日勅書

勅南平王李日尊朕稽古凝猷揆天祚麻凡舟車之所暨皆正朔之
所加適更歲令之端恭正人時之授勉經民務用迪邦彝今賜御熙
寧四年麻日一卷至可領也

李日尊加恩制

南郊

門下朕紹膺駿命稽用上儀祇事郊宮並受三神之福推恩方夏外
交四表之敬告于有司錫是在服推誠保節同德守正順化翊戴功
臣靜海軍節度觀察處置等使同中書門下平章事李日尊體懷德
善世濟忠勤莫訴南邦居有扞城之效衛我中國使無疆場之虞錫

之大將之旌旛以真王之爵往踐厥位欣戴於寵章未獻其琛用
協成於禧事陪敷采色褒進文階載加真食之封式允懋功之典於
威人之所助惟怙冒於玉靈國以永存顧循守夫侯度率時斯命保
乃舊勲

賜南平王李日尊勅書

熙寧

勅南平王李日尊省所上表於熙寧二年八月內牒廣南西路轉運
司取十一月差李繼元等部押象綱進奉已於十一月二十八日起
離本道至十二月五日得邕州公文不許綱達上京進奉并沿邊界
首戶口被邕州誰譖至多累牘邕州不為施行事具悉卿夙紹世封
善修舊職載拔章奏備亮悃誠朕每惟南服之一方越去中廟之萬
里凡諸疆事皆委守臣已申勅戒之言俾盡撫綏之憲仍諭追候常
通貢輸卿亦當安集部署謹嚴封筦禁令侵軼深體懷來載念恭勤

不忘嘉尚已指揮邕州如本道進奉綱連到來仰依例引伴赴闕經
遇州軍依舊例接待故茲示諭想宜知悉夏熟卿比平安好遣書指
不至及

交趾李乾德靜海軍節度交趾群王制

熙寧六年二月庚午

國家統御四海茂建庶邦疇惟蕃臣世有令德庸

故南平王李日草嗣子乾德氣稟沈和性資純亮躬脩美訓允蹈前
猷惟爾祖滿父之忠言之甲令若乃子弓孫之慶用保厥家眷予稱
嗣之良財以苴茅之寵王封帥節正護南垂真食復功悉膺異數於
戰克念先農惟孝與恭具保乂民永綏厥服可特授特進檢校太尉
靜海軍節度觀察處置等使安南都護兼御史大夫上柱國封交趾
郡王食邑三千戶食實封一千戶賜推誠順化功臣

賜交趾郡王李乾德獎諭勅書

勅交趾郡王李乾德所上表於去年十月內南界定番寨收申稱
占城藩王號楊卜戶喇呵排磨牒名狀禮將幣兵甲二十餘人泊王
妻子乘駕舟船入來本道投降至於今年正月已到本道稽願克伏
臣憫其忠節倍加充賜事具悉卿撫有方隅時惟屏翰因蕃渠之降
附喜疆侯之肅清載覽露章深嘉底靖永言恭順益用歡嗟故茲獎
諭想宜知悉夏熱卿比平安好遣言指不多及

討交趾勅

熙寧八年十一月壬子

勅交州管內峒軍民官吏等眷惟安南世受王爵撫納之厚寔自先
朝西容厥愆以至今日而乃攻犯城邑殺傷吏民于國之紀刑必撫
教致天之討師則有名已差吏部員外郎天章閣待制趙彥肅安南
道行營馬步軍都總管經畧招討兼廣南路安撫使昭宣使嘉州
防禦使入內侍省都押班李憲充副使龍衛四廂都總管指揮使忠

州刺史燕達充馬步軍副都總管順時興師水陸兼進示功順已
兆布新之祥人知悔亡咸懷敵愾之氣然王師所至弗克奔潰爾
士庶久淪塗炭如能諭王內附率衆自歸執據功拔身致順爵祿
賞錫當倍常科舊惡宿負一眚原滌乾德幼禪政非已出造廷之日
待遇如初朕言不渝衆聽母惑比聞編戶極困誅求已戒使人具宣
恩指暴征橫賦剏即蠲除冀我一方永為樂土

詔占城占臘同討交賊詔

文趾為寇朝廷已議水陸攻討古城占臘於交賊素有血讎委許房
光劉初同慕海商三五人作經客司委曲說諭彼國君長豫為計置
候王師前進協力攻討平定之日厚加勵賞

賜文趾郡王李乾德詔

然寧十年二月

省所上表念臣年幼詔追回宣撫招討休散兵馬願依舊入貢并奉

謝過尤不復敢犯。犯省事具悉。卿撫有西交世受王爵而乃背德于命。竊發遣彊臨遣師平襲行天討兵薄城邑。迺始自歸朕。惟卿方在稚年。此非已出役犯州郡。豈其本謀。引咎抗章辭。迫憲功已勑。將吏聞節。自新務列。徃愆祇順。王命保安厥服。豈不善歟。可從所請。自今依舊入貢。所有克復州縣已令安撫司各遣人畫定疆界。毋輒侵犯。昨據略省地人口可並送還。夫順命者膺長福。負固者多後虞。勉思所從以保寵祿。

答交趾郡王李乾德詔

元豐元年
八月癸未

省所上表乞還廣源州門州蘇門州杞縣等處。鄉失於兼任。擾求追陁。棄祖考忠順之圖。煩朝廷討伐之舉。師行深入。勢敗。始歸。迹其罪尤在所絀削。今乃遣使修貢上章。致恭許觀。情詞燭見悛悔。朕綏懷萬國。不異途邇。但以邕欽廉三州無卒之民。遷叛還附。久失鄉里。

宜盡根刷牒送廣西經畧司交割俟人口歸復省地其廣源思琅等處兵甲當議追還復隸交州管屬前奏所稱構亂首領頑抑就界首斷達以謝朝廷可如來請大夏命守封者可保於道福生事干紀者必蹈於後艱其務自新永安爾服

李乾德加恩制南郊

門下朕詔舊章肇稱吉禮課鬯清廟以嚴孝享之誠升煙紫燭以迓帝臨之明眷言蕃服夙順朝廷方均錫於繁禧宜肆加於褒獎某性推信厚世載忠純保玉爵之隆名擁將旄之重寄莫居南土不忘修貢之勤承衛中邦隱若維蕃之固屬矩儀之獲考班寵典以示優行以井腴進之功號於歲秩我元祀蓋答三神之休格闢厥心在敷四海之澤茲思恭恪用對龍光

李乾德進奉回詔

廣慶三靈宅師九有乃瞻世藩之舊克共方貢之奇載聞露章滿船
對欵宜領恩賚式示寵綏

又詔

中國載疇嘉節褒進寵章颺于大廷詔爾群辟推誠保勦忠亮同德
順化翊戴功臣靜海軍節度觀察處置等使特進檢校太尉同中書
門下平章事安南都護上柱國交趾郡王食邑八千戶食實封三千
戶李乾德性資信順德協忠純席變世之勤勞殿南采之疆場任重
將施之寄位兼相綏之榮拊循遠民越踰一紀而能謹為藩之護俾
事上之誠時飭使人來修貢職是用錫爾以有國之等土佩爾以真
王之印章增衍爰曰陪敦寔賦於威制節謹度無忘祖考之休流光
垂榮永保邦家之寵服我明訓往承茂恩可特授依前檢校太尉同
中書門下平章事安南都護充靜海軍節度觀察處置等使進封南

平王加食邑一千戶食實封四百戶功臣散官勲如故

賜封南平王李乾德制詔勅書

勅南平王李乾德朕子視兆民裏括四荒壁之仁天豈吝膏澤卿守藩茲久事上益虔高爵隆名極其榮顯庶緣天寵以服民心其思盡忠以稱恩禮今賜汝制誥到可祇受故茲詔亦想宜知悉秋熟比年安好遣書指不多及

賜李乾德詔

元祐三年八月甲午

朕惟先帝聖德無憂愛懷柔遠方頃自富良班帥麾嘗懇請即以廣源等州特行給賜維緣安南首領委認省地尋復遣官辨正分畫又於八邑之外以六縣二峒賜卿主領恩德之茂可謂至矣朕被述先訓務寧邊圉累降詔諭備極詳明勿惡勿傷無復可議其修築山體割丁戍守疆場常事況又歸明在前葉臨在後亦理無不可夫何所

謨尚有陳李蓋守藩之義以惇信為先尊或誇張朕言不亦有所成
卓因巡邊檢驗禮支物帛與外脣首領有違條制昨據經畧司劾其
生事已行取寢卿能追數其物悉以送官載閭封章尤嘉恭順朕惟
選脈方倚令猷勉體至懷益綏多福

南平王李乾德加恩制

熙慶二年九月二十六日

門下朕大饗春秋昭配神考肅恭盛禮蠲潔孝思實奉祖宗之休內
修庶政偏復幅員之廣外撫四邊邇敷曠蕩之恩宜霈懷嘉之寵
是消良日申告治達推誠保節忠亮同德守正順化翊戴功臣青海
軍節度觀察處置等使開府儀同三司檢校尉同中書門下平章事
安南都護上柱國南平王食邑一萬一千戶食實封四千二百戶李
乾德守在封疆世傳符節運韜鈴之明略撫育方隅勵忠義之坦懷
繼輸貢篚方倚平城之效用推進御之文申衍戶封陪敦直食並新

功號式壯戎昭於威分王建邦所以為社稷之衛疏恩錫壤所以為藩
翰之榮服我眷思愈思愈懇可

南平王李乾德加恩制宣和元年冬祀

門下朕卜習歲祥躬修郊類欽柴報本歛時上帝之休歸胙均釐燕
父敷天下之福眷言南屏實衛中邦肆圖夾介之勞用渙復康之寵具
官禁賦材果毅捷節沉雄誠信不渝遠萬皇風之慕忠義自奮榮聞
夷落之懷遠軒王者之崇仍授將旄之重祚嚴懿祀玉藏上儀專誠
撫封雖阻駿奔之助獻琛述職彌嘉丕享之誠肆因惠術之行是厚
萬福之錫載加升賦申衍戶祖於戲得萬國之心既恭承於禧祀受
百神之貺宜其對于闕休往廸順猷永綏吉祿可

宋朝大詔令集卷第三百三十九

政事九十二

四書十二

大理

大理國王段和譽加恩制此和六

門下朕奉若先猷聿新太室惟聖人為能鑒莫重于宗祀雖天子必
有尊用嚴於昭配百禮既至萬福來求眷乃外藩草茲遠服肆均敷
於忠術庸丕告于治朝具官某氣稟沉雄性資恭順居有律民之略
首輸享上之忠錫以將旄永作中邦之衛昨之王社先為南土之光
特協季秋貢修元祀迄成熙事已頌我詩之詩爰暨多方誕布蓼蕭
之澤載敦升賦并行戶封申責遐陬益隆罷教於庶一人有慶熙膺
降格之祥四國于菴其對函蒙之社往欽予命式固爾咸可

大明國入貢御筆手詔

洪武六年
二月三日

朕嗣有令緒嘉興萬邦黎獻共惟帝臣外薄四海固不率俾惟爾保
邦越在遐裔久隔聲教弗及以政朕以道在宥天下大同六合為一
不匿厥旨往諭爾邦惟爾忠孝式克欽承臨遣使臣庶貢于庭夫謹
度而無危滿之心循理而知事天之義厥惟汝賢李紫瓈來有司稽
留不遠親禮詔命越召赴闈今其旋歸詳示朕意其既乃心往祇朕
命

西番王所斯鑑

董經

太子尚里官

膳生

諭遼川首領所斯鑑

東達元年
二月三日

朕以吳賊猖獗侵驚邊隅累世稱藩資忠効順高牙巨節保我西
陲憤茲醜羌嘗議討伐所宜早興師旅往襲空城來彼未還據其根
本父子嫡立殄滅克渠今也其時幾不可失待詔到日刷領手下軍

馬往往賊界同力剪除如能成功當授卿銀夏等州節制宜令腹心人以赴發日閏報緣邊經畧安撫司以憑舉兵應援仍賜對衣帶綢

二萬疋

噶斯囉保順河西等軍節度使制

康熙二年
此月一本

國家建德以錫其土封進律以重其閫制奉吾良助寔殿外藩能體懷柔之仁素堅恭順之節特貽丕制中告屏翰西邇遼川首領保順軍節度洮州管內觀察處置等使金紫光祿大夫檢校太尉使持節洮州諸軍事洮州刺史兼御史大夫上柱國武威郡開國公食邑二千戶食實封三百戶噶斯囉志蘊沉雄性資端亮稟金方之勁氣控榆谷之遐區嚮膺授鉞之征遂享宜茅之寵護邈川之豪而恩信甚篤制夏臺之脩而羣勇弗回擇蘇涼土之雄益以漢壇之輝載惟異數以勵壯猷於戲旗纛前驅兼統二邦之旅輪垣分寄固陪回屨之

封具思令圓勉稱明命可特依前檢校太保使持節洮州涼州刺史
兼御史大夫充保順河西等軍節度洮州涼州管內觀察處置押蕃
落等使

唃斯囉加恩制

大中四年十一月

門下朕消遯至日大報圖丘備三歲之常典率九州之勤職上帝來
享群臣普懷已解玉鑾之嚴遂布金雞之慶或扞城宣力或景泛陪
祠均敘乃勤並論而賞具官唃斯囉朴質有守忠孝不回光祚西上
之良訓定中軍之教亨侯完謹民屋阜安奉宣朝猷協底貢獎乘革
車馬則踰及有司坐羣僚則坐同吾圉余皆興議誠謂有勞用當
旌事之成昭進寵階之等詔封大邑加食采祖於戲天介鴻休式尊
雷雨之施國有繁獎庸厚金石之臣進膺目寧益奮志熙勿休勿怠
以究成熟可

嗚斯囉加恩制卽位

門下朕膺天寶命纂國鴻圖內則股肱大臣以維社稷之固外則蕃
衛羣后以潔封疆之衝期當視政之初敢後時庸之典謫孚廷演覽
穆邸僉與官某氣壯沉雄知懷明果世宅西方之勁心勤內府之輸
忠義貫于神明威聲留於臣落師才占勝早專執銳之征盟府書幣
舊我山河之舊雖承先帝之序中需有邦之遐邇馭資之深潛均深
朝之偉望陪之多戶衍以真租並懋寵光以昭獎等於威烈屏玉室
固無外間之虛命契天心這及景風之候蓋恢世烈者譽異永更民
始者澤非常勉綏順敷欵服激數可

嗚斯囉授銀前保順河西節度加食邑實勳功臣制卽位

門下夫完天下之尊必歸上神之報萬人子之孝必顯先烈之恩朕
親執豆邇祇見郊廟采一氣之後以體天地之仁合萬靈之休以享

邦漢之號嗜庸丕制首暨諸藩貝官某與承世封躬履侯度作屏于
外自雄虎落之師述職于中有愛王府之貢肆若初之撫御尤不失
其順祇迄駿祀於園丘宜冊勲於大寢爰益褒功之教用閑空上之
辟序以差田陪之真賦併推異數庸若素勞於政繼皇德澤之均始
于近而加于遠維臣忠義之節善其初者惟其終勤宣令猷永錫蕃
祉可

賜西路邈川首保領順軍節度洮州管內觀察處置押叢等
等使董禮依咱斯囉副支請降詔

勅董禮卿時推萬略世濟茂勳方崇建於高牙且紹綏於舊土宜優
廩祿之給以寵封疆之勞其體注懷母忘欽荷

賜董禮加食邑實封告勅示諭詔

勅董禮卿材推種豪代襲邦爵乃奉守方之勤特領符綱之恩往奉

徵章永綏外圍今賜卿加恩官勅牒到可祇受故茲詔示想宜知悉

賜起復董瓊官勅牒對衣等示諭詔

勅董瓊卿材雄種落世守方隅眷恪奉於王輸宣嗣膺於考服特起
苴麻之制更專鉄錢之征往厲忠圖永綏休命已降制命除授卿起
復冠軍大將軍右金吾衛大將軍員外置同正員充保順軍節度押
蕃等使今賜卿官告勅牒并節衣金帶銀器衣著具如別錄至可
領也

董瓊落起復依前保順軍節度使加食邑實封制

門下四封之守伏許國之素熟三年之衆為報親之違禮乃眷西屏
時惟偉臣方終慕於戎縕盍還儀於命軫我有明制格乎不與其官
某以材資之雄自高於勦落以誠節之勁參衛于王家獨擇神韜之

奇時歸寧旅之貢邊靖邊瑣卷離父艱起素絰於廬中屬驛旋於閭外銘在金石具將一心之勤誓如山河盡荒先正之履雖是苴麻之飾亦既日月之除肆下古於外庭八加寵於舊服昧以爰田之戶陪之真井之租用嘉乃勞不顯亦世於戲白駒過隙忽驚祥事之陳金鐵傳家更始元戎之畧忠孝並務失不羨欵可

董禮特進制

熙寧三年

門下國家蠲潔大德懷柔四方懋宣行革之仁橫被蓼蕭之澤遐邇無間內外一均西蕃邈川首領保順軍節度洮州管內觀察處置押蕃落等使金紫光祿大夫檢校太保使持節洮州諸軍事洮州刺史兼御史大夫上柱國常樂郡開國公食邑五千一百戶食實封一千一百戶董禮氣稟沉雄性資柔毅載勲庸於奕世開土宇於西陲早膺旌鉞之榮撫有洮湟之地祇勤厥事忠誠著於皇家糾逖不虞威

今行於戎落修其職貢保戎吟封宜陳錫於寵章用褒於於羨處拉
進異等食衍真封豈繁鎮服於爾師抑亦光華於殊俗於戲王官互
重固不徒施臣道惟艱諒無虛受勉服休命益思壯猷可特授特進
依前檢校太保使持節洮州諸軍事洮州刺史兼御史大夫充保順
軍節度洮州管內觀察處置押蕃落等使仍舊西蕃邈川首領加食
邑一千戶食實封三百戶勲封如故立者施行

西蕃邈川首領兼瓊州鎮西平節度制

王者之撫殊方益用威懷之道保藩之衛中國莫如信順之心眷惟
偉臣莫我西屏未諭誠節宜沛恩徽西蕃邈川首領保順軍節度洮
州觀察處置押蕃落等使開府儀同三司檢校太尉使持節洮州諸
軍事行洮州刺史兼御史大夫上柱國常樂群開國公食邑七千二
百戶食實封一千七百戶董糧器懷闊深材資勁敏自雄詎落世傳

施鍼之封壹意朝廷舊載山河之誓恭歸貢於罕旅恩作扞於王家
朕方推至仁以示大信徒湟水之節以華爾衆錫雲臺之號以表爾
功申衍升腴併疏賞典於戲沛四海之澤蓋敦柔遠之風守一方之
衝勿忘事大之義往欽休命尚廸壯猷可特授依前檢校太傅使持
節鄯州諸軍事行鄯州刺史兼御史大夫西平軍節度鄯州管內觀察
處置押蕃落等使仍舊西蕃邈川首領加食邑一千戶賜雅誠順
化功臣

董禮加恩制

門下朕丕承五聖式辟萬方茲用康年有嚴宗祀右我文考如格聲
容無于皇天若楫光景是廣神明之澤以同海宇之嶽瞻惟蕃衛之
邦瀕此河湟之塞特推恩渥示勸忠勞具官董禮義冠西州名聞諸
國傳旌施之世享勤玉帛於方來遠邇雖土疆之殊信誠猶符契之

合屬慶成於熙事宜用舉於褒章增寵號名陪敷賦色於威好德錫福共樂於嘉時流光垂榮永寧於後裔克經爾祉遐副朕心

西蕃邈川首領董璽進奉回詔

處其臣職恪守封陲遠輸任上之誠來効充庭之供載嘉忠順彌用
勝懷

董璽加恩制

門下朕承五聖之謀躬萬方之治明昭上帝迄用康年燕及皇天介以繁祉迺乘長至之序載舉肇禋之文仰答三神之休大均四海之澤眷言藩服誕布徽章具官禁撫有一方翼戴中國世擁將旄之重遐膺玉爵之封貢納百名於修於常職相予肆伐屢奏於膚公屬茲鉅典之成宜有歲恩之獎增加功勳陪衍爰曰於戲盡慎宗折朕既中於福祿流光後裔爾益茂於忠純往服龍章勉固蕃衛

董禮授檢校太尉加恩制

元豐八年
哲宗即位

門下朕席三儀之職命荷六聖之詔謀君臨萬邦思享安榮之寔澤及四海固無遠邇之殊矧惟藩衛之邦控我河湟之塞特疏寵渥用勸忠嘉其官某保有一隅長雄諸部旌旄世守能堅事大之誠玉帛繼來不替修方之舊屬贊承於洪緒思頒布於徽章視秩掌武之宗行賦爰田之入於賦承天發政朕方念於永圖保國垂榮爾益堅於亮節勉循恭恪用副眷懷

西蕃阿里骨起復河西節度制

元祐元年
二月丁丑

先王成鞏石之固立封疆之界以相維君子不奪人之親為金策之事則無避曠河湟之重屏羅苦塊之大憂稽師厥常起授以位故西蕃邈川首領河西軍節度押蕃落等使武威郡王董禮男銀青光祿大夫檢校工部尚書使持節肅州諸軍州事肅州刺史充本州防禦

使薦御史大夫上柱國阿里骨材謀俊偉器識宏深翼戴本朝長雄
諸部粵自先正服勤王家玉帛走乎中原旌麾固於吾園興言濟美
之嗣養有教忠之聞用擢從銜恤之中付畀維滿之寄錫之舊履
寵以高牙總全錢以治戎服冕纁而泛政視秩空土衍賦爰因於戲
河山之固永存勿忘賜誓弓矢之傳猶在來助專征益懋忠嘉以對
恩渥可起復冠軍大將軍右金吾衛大將軍員外置同正員檢校司
空使持節涼州諸軍事涼州刺史充河西軍節度涼州管內觀察處
置押蕃落等使西蕃邈川首領封寧王塞郡開國公食邑二千戶食
實封一百戶

誠約西蕃邈川首領河西軍節度使阿里骨詔

元祐元年六月壬寅

朕得卿父董報文字稱身有重患且死蕃家國上事已教男阿里骨
管勾朕以卿祖考忠順朝廷世受封爵已降制口令卿襲封及賜衣

帶支給請受等卿繼世之初人情口口固當推廣恩信惠養一方今
聞卿自管勾以來頗凌刑殺部族之眾諒不遑寧雖出傳聞未忘憂
想卿宜以繼承為重以仁厚為先無恃寵榮務安種落副朝廷所以
封立之意思前人所以付與之心

阿里骨加恩制

元祐
明堂

門下朕躬執主幣於祀帝親孝奉天儀以答上神之況澤均寰施以
興萬物之和眷言藩服之良夙順朝廷之命宜頒褒律以召群工具
官某器識沉雄性質信厚能紹承於世美遂獲錫於節旄保有西陲
久載維蕃之節翼衛中國不忘脩育之勤方獲考於鉅儀因肆加於
寵典視秋帝保衍食井腴於茂達三神之釐惟孝為能致饗謹諸侯之
度惟忠可以禔身往承寵榮永肩恭順

賜新除檢校太保依前河西節度使阿里骨加恩官告勅

書

勒阿里骨朕消選靈辰奉承宗祀肆均介福偏暨多方卿世撫侯封
夙虔朝命特加寵渥用獎忠嘉令賜卿加恩官誥到可祇受故茲詔示
想宜知悉冬寒卿比平安好遣書指不多及

賜阿里骨詔

元祐二年七月辛亥

勒阿里骨者所差人追來及乞今後依前差帳次上京進奉事具悉
惟爾祖先世萬忠孝本與夏賊日尋干戈亦惟口我朝廷爵秩之隆
用能保爾子孫黎民之衆肆朕命爾嗣長乃師而自承襲以永疆首
外禮爾弗能禁恣其所為遂據洮城以祀王略陰連夏賊約日盜邊
朕愍屬羌之無辜出偏師而問罪元惡係獲餘黨散亡山後底平河
而姦服朕惟率酋豪而捍疆場乃爾此功報君父而從仇讐豈其本
意庶能改過未忍加兵果因物以育誠願洗心而効順爾既知悔朕

復何求已指揮熙河路更不出兵及餘已招納到部族外住罷招納
依舊許般次往來買賣及上京進奉爾宜約束種類共保邊陲期罷
祿於有終知大恩之難再物使來延復為虛言故諂詔示想宜知悉

西蕃邈川首領阿里骨落起復制

元祐三年十月乙丑

義始墨義金革之事無避禮終素蹕苴麻之哀既除春爾舊蕃班序
新命誕揚渙號明諭周行西蕃邈川首領河西節度涼州管內觀察
處置押蕃落等使起復冠軍大將軍右金吾衛大將軍檢校太保
使持節涼州諸軍事涼州刺史上柱國寧塞郡開國公食邑三千戶
食實封八百戶阿里骨材稟豪英氣懷摶鷺勇名克勝於殊俗德允懷
於種人忠孝傳家封河山而永誓勤勞繼伐賜鉞錢以專征外全保
塞之功初畢通喪之制念言遠屏更界榮名越追文階之崇益增武
節之重陪敦邦賦衍食戶封蓋也順猷式昭徽數於威天下有道四

封之守外安朝廷以平萬里之威內附永康四海遐衝中區其肩乃
心以服朕訓可落起復特授金紫光祿大夫依前檢校太保使持節
涼州諸軍事涼州刺史河西軍節度涼州管內觀察處置押蕃落守
使仍舊西蕃邈川首領加食邑一千戶食實封三百戶熟封如故

宋朝大詒令集卷第二百三十九

宋朝大詔令集卷第二百四十

政事九十三

四裔十三

西蕃十

賜阿里骨詔

熙聖二年
八月丙辰

阿里骨累據熙河路經略安撫司等奏及近淮進奉渴失納余寵到
闕累以夏人情狀傳報朝廷事具悉卿嗣有封域世為藩垣而能屢
覬敵情密陳邊計嚮風助順益見忠勤宜示寵存載加勞賚今差禮
賓使李守供備庫副使王師忠充撫諭使副往彼撫問及面諭朝廷
旨意

阿里骨檢校大尉依前河西節度仍舊西蕃邈川首領加
恩制

門下朕祇率先猷肅恭茲祀爰用季仲之吉虔脩嚴父之祠迨此令時備成熙事內則臣工之顯相外則侯衛之綏和乃眷列藩宜推異數西蕃邈川首領河西軍節度涼州管內觀察處置押蕃等使特進檢校太傅使持節涼州諸軍事涼州刺史上柱國寧塞郡開國公食邑六千戶食實封一千七百戶阿里骨夙明韜略世守封際式遏種羌用謐寧於邊鄙屢陳貢篚效誠款於中邦雖茲恪勤益隆眷遇是用崇進本兵之秩敦陪真食之封於戲盛禮慶成頤湛恩之靡間藩維任重期諒節之益虔祇服恩榮愈懷惠廸可

西蕃首領龐拶河西節度制

元符三年三月

門下朕嗣國大統紹休前人衣正萬邦內有不率外薄四海咸與惟新春茲內附之藩厥有未降之長示之大信申以茂恩孚告治朝誕揚休命西蕃偽王龐拶襲承世裔擅育方隅偏師出疆舉國請命盡

獻其地或未于廷朕若其國人投戈內屬眷乃先世述職靡愆敷柔
遠能通之仁念推亡固存之義俾紹厥緒往即乃封徹罷右之上疆
付河東之旄節錫田畝賦聞國啓封以示大公以安遐徼於戲纘乃
舊服尚克紹於前脩作我新民其無蹈於後害欽予時命惟爾之休
可特授河西節度使知鄯州軍州事

賜征懷遠節度使制

門下朕肇纘洪業寵綏庶民無有邇遐固不率俾廻眷求降之國時
惟外屏之首中以主恩告于列位西蕃邈川首領河西節度使檢
校太傅賚征紹承先世撫有西牘早怙冒于王靈久持循子侯度修方
惟謹向化益虔遼裨將之來遙叩軍門而請命盡率其衆咸造惟新
授以命書增其官秩易茲旄節敦厥色對於威俾此外庸耿克承於
前烈勵其臣節爾無失於後圖尚既乃心往祇厥服可特授依前檢

校太傅懷遠軍節度使琳州刺史

賈里結等拜官制

勅大首領賈里結等河隴諸郡背漢造民慕義而來實自今始爾等從其君長歲造在廷班署禮容改襲冠帶嘉其忠順超授王官俾職微以為邊且嚮風而表屬服我新命往聞報稱可充本族都巡檢

青唐首領撒結逋厥難歸順補內殿承制制

勅朕嘉遠人欵塞歸謹不有恩獎何以懷徧超授爾官通籍殿内其承朕命尚一乃心可

元符三年五月

西蕃溪賒羅撒西平節度西蕃邈川首領制

崇寧元年十一月丙戌

戊

門下王者無外夫何遠邇之殊天下為家寧有戚疎之間五方異俗一視同仁矧西土之舊藩寔零居之近寢稱雄諸郡繼踵有人能慕

義以歸心宜告廷而錫命西蕃漢除羅撒淵謀出鬼驚勇絕倫義不
擾邊守箕裘之故業忠於事上走玉帛於中原有勞我疆自爾先世
比雖隔絕終不變渝惄然遠圖寵以異數惟漢中之與壤存漢氏之
名城建大將之旗徃當一面持樂都之節坐護諸羌稱公渥洼視秩
空土於戲昔祖宗懋賞山河之誓猶存父子輸誠鍾鼎之銘不墮
益勤偉績尚有殊恩可特授金紫光祿大夫檢校司空充西平軍節
度使西蕃邈川首領上柱國特封燉煌郡開國公食邑五千戶食實
封五百戶

諸蕃

安撫秦州蕃部尚波于詔

建隆三年六月丁未

朝廷置制邊防撫寧部落務令安集豈有侵漁比來秦州元設三寨
只要採斫材植供億京師雖在蕃漢之交不妨牧放之利汝等遮欄

本被傷殺軍人尋命使臣往波和斷近得高坊奏汝等四十七人見已拘留聽候奏汝等久懷忠順謹守封隘賊緣事出於一時致此紛擾朕料汝等必悔前非宜示懷柔各從寬宥令賜汝等錦袍銀帶至可領也已除節度使吳延祚杜伸安撫仍令還汝等舊地各歸本族共體深恩如或更敢犯邊當議盡加誅滅

山後西林蠻王歸德將軍勿兒等進官制

太平興國三年九月己酉

山後西林蠻王歸德將軍勿尼懷化將軍勿兒等充慕殺名遠修職貢宜賜天朝之命俾為夷落之榮勿尼可特授歸德大將軍勿兒可特授懷化大將軍

沙州曹延祿升官制

太平興國五年四月丁丑

王者推亦心以待人修文德以柔遠矧河隣奧壤久隔於皇風疆場多虞尚勤於戎索乃有輸誠而內附所宜如等以推恩權歸義軍節

度兵馬留後金紫光祿大夫檢校司空兼御史大夫上柱國燕郡男
曹延祿義勇立身忠貞挺志奕世統臨於沙漠乃心傾向於闕庭奉
正朔以惟恭修職貢而不怠純誠益著茂與猶稽宜加節制之名以
重蕃宣之寧可檢校太保沙州刺史充義勇軍節度使瓜沙等州觀察
處置營田押蕃落等使

討契丹諭烏舍城浮渝府渤海府主應王師詔

太平興國六年七月

丙午

朕奄有萬邦光被四表無遠弗届無思不服惟契丹惡悍介于北荒
糾合姦鬼侵擾邊鄙朕作提銳旅往殄并門而契丹舉國興師犯闕
為寇疆吏來告我伐用張於涿鹿之墟破其十萬餘衆斬首數萬級
奪車帳萬餘乘今國家將席卷乘勝長驅深入取碣石之舊壤

口口口口口口口口口開爾渤海國爰迄前代本是大藩

近年以來頗為契丹所制侵漁爾封略塗炭爾人民無協比之恩有并
吞之志朕聞汝迫於口口屈膝事之詆慝滋多誅求無厭雖欲報怨
力且不能今黨旗破滅之秋是汝國復讎之日所宜盡率部旅來應
王師俟逆黨剪正當大行封賞

入於朝廷朔漢之外悉以

與汝相能效順朕不食言令遣使諭意

答安定國公烏元明贊書

太平興國六年
十一月甲辰

制誥安定國公烏元明女直使至得所上表以朕常賜手詔諭旨且
陳感激卿列國遠裔名王茂緒奄有馬韓之地介乎鯨海之隅為口
口之所侵奪本上而逃難沉寃未報積債莫伸矧彼口口尚搖蕪毒
口遣王師而薄伐况又天灾之流行以致政相尋滅亡可得令國家
已於邊郡廣屯重兵只俟窮冬即行天討卿若能刷累世之恥興舉國
之師當予代罪之秋是汝復讎之日朔漠底定爵賞大行宜思永圖

無自安便矧又渤海願歸於皇化扶餘已背於敗庭激勵其心糾合
其力指期同舉必集大勲勉効純誠勿辜前志重漢所阻遣使未遑
眷想之懷鑒寐無捨

賜潘羅支詔

景德元年六月己卯

渭州引送卿凡邦道支并教練使楊超到京覽卿等舊書奏狀言去
年十二月二十八日與李繼遷鬪敵大段殺下蕃賊却彼賊人叔去
牌印官告衣服器械等再乞領賜并望差築城人給畚鍤令使臣到
彼其隅遇遷賊虜人却投來者並乞押來其進奉馬價乞支絹等事
並已依奏別降宣命指揮卿忠順朝廷保庇族誓殺兇狂之黨益
堅臣子之心遠率種人同拒賊黨戰鬪斯久殺獲頗多每念爾誠不
忘朕意此外卿所奏欲取七月共回鶻并六合蕃部宜住賀蘭山掩
殺賊衆乞大兵來靈州會合管殺遷賊者朝廷近知繼遷已死未經

殲蕪所以未欲討除今卿等既領師徒遠平讎敵免為後患甚是良
圖所乞會兵即緣地理稍遙月日未定今朝議俟卿等才集諸族人
馬起離西京即差心腹人走馬齋文字報經原鎮戎軍部署司已令
至時不候朝旨率兵前進直至鹹泊蕭閭天都山已來牽制賊徒伏
截道路賊界定湏兩面救應如此邀擊必可成功彼中諸事更切審
詳佇靜謹陸永保富貴

潘羅支追封武威郡王制

景祐元年十月丁酉

將帥守方忠賢盡瘁屬其殂謝必有追榮故西涼府六谷都大首領
朔方軍節度靈州管內觀察處置營田押蕃落等使靈州西面緣邊
都大巡檢使潘羅支生于西陲蔚有異稟率其種族行我邊防効鞬
譯以貢珍寔堅誠欵裂藩垣而胙土頗極恩徽遽此渝亡寔增憫惄
宜加異數用獎忠魂可追封武威郡王

廝鐸督朔方節度制

景德元年十月癸卯

河湟右地朔漢與區襟帶華裔藩屏五國眷懷邦傑以續舊勲廝鐸
督唯爾之光素傾誠保封疆而不聳奉正朔以惟寅式遏外虜勤
宣乃力固已錫之車服寵以麾幢俾翰塞垣式康御禁遷茲徂謝彌
用盡傷唯爾恭華聯華金行薰氣善膺顧託頗震威名宜陟帥壇嗣
專方伯侯氏之職盡以授之期者歲熟光于舊服長撫西夏為吾信
臣可金紫光祿大夫檢校太尉靈州刺史尤朔方軍節度靈州管內
觀察處置營田押蕃落等使兼靈州西面緣邊都大巡檢校使西涼
府六谷都大首領封西平郡開國侯食邑一千戶命用仲眷倚

賜甘州回紇天聖五年庚日勅書

皇帝留問甘州回紇外甥歸忠保順可汗王夜落隔國家奉若上穹
修明舊典命清臺而候氣布元麻以授特卿雄略挺生絕誠克茂控

臨河宸就望闢庭式遵酒朔之規聿洽同文之化體茲朝獎祇率國
章今賜卿天聖五年麻日一卷至可領也

甘州外甥回紇可汗王夜落闕可特追懷寧順化可汗王

制

勅王者孝治萬方益重展親之典恩加群后務昭崇德之規矧在吾
甥久經遠略特舉褒優之命用伸眷倚之恩其官甚茂烈傳家英威
服眾智慮深邃詳練於武經忘略貞方克敦於臣節而自撫臨西夏
屏翰中原尤彰保塞之勲特茂勤王之業仍遠修於職貢用愈見於
忠誠寔簡朕心特降朝獎進褒功之懿號兼駁貴之榮階更越等威
用旌忠毅噫山河並寵朕固吝於推恩金石盟心爾無忘於報國終
始惟一永保令名可特進懷寧順化可汗王

趙懷德加恩制

門下朕嚴恭以嗣服服祇威以興神天藏事國陽迎釐帝所布濩無
方之澤鋪昭有永之圖涣發龍光疇嘉忠勤河西軍節度涼州管內
觀察處置等使持節涼州諸軍事涼州刺史上柱國武威郡開國公
食邑二千戶食實封五百戶趙懷德氣剛而果謀順而臧夙向日以
傾誠爰欵闕而來享虔共王命信侔金石之堅膺父師符寵有節施之
寄屬肇禋之追禮播顯號以疏恩增衍木封併陰與教于以示朝廷
之勸豈徒為臣寮之榮於戲數錫麾鴻泛灑春容之澤恪遵明命更
輸忠悃之誠益彰厥猷於是為稱可特授依前持節涼州諸軍事涼
州刺史充河西軍節度涼州管內觀察處置等使加食邑五百戶食
實封貳百戶勲封如故

趙懷德贈開府儀同三司追封懷化郡王制

門下齋壇登拜生而極體貌之隆密印追封歿則致哀榮之備膺茲

異數屬我信臣雄武軍節度使檢校司徒順口郡王趙懷德性稟忠
醇氣質沈鴻擅賴富之勇而志慕中國礪日磾之節而名聞外庭奉
國籍以欵闕發承殊恩練韜鈴而捍塞久賴壯猷遠覽訏音中加贈
典進視宰司之重就更王爵之崇併錫恩榮益彰悼念九原光寵豈
徒依資於英魄萬里風教庶用招懷於獷俗體予至意尚克歆承可
特贈開府儀同三司追封安化郡王餘如故

賜于闐國砧鱗黑汗王進奉勅書

勅于闐國砧鱗黑汗王省所差人進奉馬一疋金五十斤玉鞶轡一
副胡錦一十八段事具悉卿介居藩服馳望闕庭露齒奏以致誠出
方竒而底貢眷惟來享良緣嚮風仍傳象譯之言願覲使華之盛湏
期通道始議達行載念恭勤殊深嘉歎所進到物色今回賜卿錢二百
百貫文其馬一疋十貫文以浙絹充薰別賜卿國信物對衣金腰帶

銀器衣著等具如別錄並交付差來首領尹納祝等至可領也所將
到番書文字譯得乞差人般赴本圖候通路行日相度遣使故茲
示諭想宜知悉夏熟卿比平安好遣書不另及

賜于闐國黑汗王進賀登位勅書

元祐

勅于闐國黑汗王省所差人進奉賀登位事具悉卿守藩西極慕義
中華遠聞踰祚之新來致拂山之貢眷言忠恪良用歡喜回賜卿銀
具如別錄想宜知悉

同前

勅于闐國黑汗王者所差來進奉使阿保星進到真珠等事卿速馳
專使來欵貢琛載詳蒙諱之吉深亮勤王之道益陰德賜以答忠誠今
因阿保星回賜卿銀絹其所差來人亦各賜衣帶等想宜知悉

賜西南羅番進奉勅書

勅何以用者所附硃砂一襄纏一領馬一匹事具悉汝世為要服時
歛塞垣志慕華風來修職貢載惟忠恪良用歎咨今回賜紅中錦夾
旋欄一領八兩金渡銀腰帶一條衣著一十疋至可領也故茲詔示
想宜知悉秋冷汝比好否遣書指不夕及

賜溪洞蠻人彭元宗等進奉端午布勅書

勅彭元宗等省所進端午節溪布三十疋事具悉汝世能裔壤心慕
華風來修任土之儀遠效充庭之寶載惟勤悃良用歎嘉故茲示諭
想宜知悉

賜溪洞彭儒武等進興龍溪布勅書

勅彭元宗等省所進奉興龍節溪布三十六疋事具悉汝世能保境志
在觀光遠修任土之宜來偹充庭之寶載惟忠恪良極歎嘉故茲詔
示想宜知悉

宋朝大語今集卷第二百四十一

宋	大	沼	今
宗	帝	编	心
室	位	百	玉
宰	太	令	海
相	皇	四	之
將	太	刑	典
軍	后	不	校
威	天	全	嘉
武	皇	弘	定
臣	太	即	三
興	后	此	年
政	太	若	李
事	妃	其	大
十	皇	所	吳
三	后	偏	刊
山	妃	星	于
每	女	也	建
門	詔	久	甯
各	太	宋	甯
子	子	開	正
助	親	自	共
今	王	律	錄
可	女	隆	解

文	曰	昌	豫	陵	袁	太	高	改
曰	追	立	曰	昌	躬	太	高	比
曰	降	命	曰	遣	大	曰	太	如
點	曰	禮	令	后	恩	后	族	滿
曰	謚	豫	達	之	降	之	冊	後
追	謚	曰	詔	14	曰	14	曰	之
命	曰	追	曰	十	李	十	直	14
皇	謚	命	謚	一	命	14	豫	十
太	冊	曰	謚	曰	曰	曰	床	二
20	曰	太	曰	子	服	子	復	曰
之	哀	后	謚	立	萬	立	申	目
目	冊	皇	冊	曰	曰	曰	內	位
十	820	芳	曰	子	達	禪	禪	曰
10	立	之	哀	被	詔	而	曰	禪
曰	之	冊	曰	曰	曰	曰	貴	第
奏	同	七	曰	冊	謚	建	利	曰
請	五	曰	山	文	謚	宮	曰	以
批	曰	子	陵	曰	曰	威	謚	元
答	而	立	皇	听	謚	曰	謚	曰
曰	職	曰	太	政	冊	安	曰	名
建	曰	冊	920	曰	冊	謚	詳	瑞
立	之	文	之	禮	哀	曰	冊	旨
曰	拜	曰	曰	謚	冊	御	曰	旨
赦	曰	降	四	曰	級	哀	謚	漢
曰	冊	點	曰	達	山	曰	冊	室

宿	曰	禪	曰	祔	是	社	八	九	十
曰	明	曰	勞	葬	曰	曰	曰	九	二
祖	堂	社	功	率	增	出	二	三	四
宗	曰	治	曰	刑	典	肉	四	五	六
加	天	陰	陰	之	崇	外	富	正	七
謚	神	曰	夷	曰	室	御	音	曰	八
曰	曰	唐	曰	南	之	曰	曰	辭	九
謚	地	郊	軍	祀	曰	降	立	免	十
謚	示	曰	禡	之	之	點	子	曰	一
曰	曰	雜	訖	曰	曰	封	謝	恩	二
祀	山	浴	臣	暨	村	王	恩	三	三
祭	川	曰	之	拜	拜	豐	曰	慶	四
曰	曰	燭	曰	曰	曰	曰	七	五	六
原	雜	占	一	立	立	七	七	六	七
宿	祀	曰	曰	拜	拜	之	曰	曰	八
曰	曰	陰	除	曰	曰	曰	拜	建	九
陵	廟	祠	拜	葬	雜	十	官	牧	一
寢	制	曰	興	克	詔	曰	曰	曰	二
曰	曰	北	祀	持	曰	封	立	內	三
陵	款	郊	之	少	姓	拜	拜	收	四
名	謁	曰	曰	之	孝	曰	曰	追	五
曰	太	恭	廿	同	曰	祭	祭	命	六
諱	廟	謝	九	有	贈	近	近	皇	七
芳	曰	玄	曰	寺	典	曰	曰	如	八
曰	祔	妣	封	之	曰	降	降	如	九

曾	之	抄	惟	代	廢	一
改	赤	是	張	故	大	百
閏	譖	跋	月	寺	詒	上
之	譖	畢	宵	之	今	十
以		定	誠	資	同	七
為		中	考	私	一	至
以		內	志	也	殘	二
為		有	于	星	缺	石
以		天	錄	考	而	八
為		星	缺	明	所	十
以		處	卷	以	載	七
為		故	六	海	宋	藝
以		卷	與	傳	九	四
為		記	此	本	朝	七
以		憶	草	甚	典	七
為		未	恐	希	立	七
以		能	世	院	補	史
為		起	向	文	缺	缺
以		陸	年	連	其	甚
為		君	完	外	多	多
以		而	車	集	故	宋
為		質	矣	年		